

AUZOLANA SUSTATZEKO DIRU-LAGUNTZAK ARAUTZEKO OINARRIAK

2022EKO DEIALDIA

OINARRIAK

1. Helburua

Oinarri hauek arautzen dute auzo-elkarteei 2022erako diru-laguntzak eta laguntza publikoak emateko prozedura orokorra, norgehiagoka-araubidearen bidez. Hernaniko Udaleko Partaidetza Sailari dagokio prozedura hori kudeatzea.

Oinarri hauek udalak indarrean duen Diru-laguntzak Emateko Araudiaren 7. artikuluan xedatutakoa garatzeko ematen dira.

Deialdi honen helburua auzo-lana sustatzea da (Auzolan).

2. Aurrekontu eta programak

Deialdi honen helburuak lortzeko 25.000 euroko diru kopurua dago 2022eko ekitaldirako; aurrekontuaren ondorengo partida honetan: 102.481.05.924.00.2022 "Auzolan programa"

3. Onuradunak

Diru-laguntza hauek eskatzeko aukera izango dute legez osatu eta Auzo Elkarten Udal Erregistroan inskribatuta dauden elkarteek. Horrez gain, beren egoitza eta jarduera esparrua Hernanin izan beharko dute.

4. Bazterketak

Deialdi honetatik kanpo honako hauek geratzen dira:

- 4.1. Diru-laguntzetarako Lege Orokorraren (azaroaren 17ko 38/2003 Lege Orokorra) 13.2 eta 3 artikuluetan aurreikusitako kasuetako jarduerak.
- 4.2. Direnagatik edo duten helburuagatik Partaidetzako Sailaren jarduerekin inongo loturarik ez duten jarduerak
- 4.3. Edozein motatako zerga-betebeharrak eguneratuta ez dituzten elkarte edo erakundeek aurkeztutako eskabideak, baita Udalarekin edota Gizarte Segurantzarekin eguneratuta ez daudenak ere.
Betebeharrak egunean dituzten jakiteko egiaztapena egingo da, ofizioz.
- 4.4. Ez dira aintzat hartuko aurreko edizioetan jasotako diru-laguntza justifikatzeko memoria entregatzeko dituzten jarduerak edo programak.
- 4.5. Ez dira aintzat hartuko beren jarduera publikoetan indarrean dagoen legea (jaiotza, arraza, sexu, erlijio iritziagatik diskriminazioaren debekua) betetzen ez duten elkarten eskabideak.
- 4.6. Onuradunek, indarrean dagoen lege araudi bete beharko dute, besteak beste, Emakume eta Gizonezkoen berdintasunerako 4/2005 legea.

5. Eskabideak

Diru-laguntza eskatzeko eskari ofizialak erabiliko dira, behar bezala beteak eta sinatuak. Udalak gonbidatzen zaitu euskara hutsezkoa erabiltzera.

Leku hauetan eska daitezke:

hhz- Herritarren harrera zerbitzuan: Udaletxeko beheko solairuan

Astelehenetik ostiralera: 8:30 - 13:30 eta astearte-ostegunetan arratsaldez ere bai 13:30 – 18:30 (aldez aurretik hitzordua hartu behar da)

- **Interneten bidez:** www.hernani.eus helbidean, pasahitza erabilia

Eskaeraren ale bat erakunde eskatzaileak jasoko du, eta bestea, Partaidetzako Sailera bideratuko dena, Sarrera erregistroan

Diru-laguntzak hauek jaso ahal izateko, honako dokumentu hauek aurkeztu behar dituzte eskatzaileek:

- Diru-laguntza-eskabide normalizatua, bete eta sinatua.
- Diru-laguntza xede izango den jardueraren deskribapena, bai eta aurrekontuarena ere (1 eranskina).
- Identifikazio Fiskaleko kodearen dokumentuaren fotokopia (IFK).
- Zerga bidezko betebeharrak, gizarte segurantzarekikoak eta BEZ araubidea egunean edukitzearen aitortpena (2. Eranskina).
- Diru-laguntza eskatzen duen erakundearen estatutuak eta curriculum: kideak, helburuak, egiten dituen jarduerak, etab.(sortu zenetik aldaketak izanez gero).
- Eusko Jaurlaritzako Elkarte eta Erakundearen Erregistroan izena emanda dagoela egiaztatzen duen ziurtagiri eguneratua (2022 urtekoa). Aurreko urteetan diru-laguntza jaso duten elkarteek Eusko Jaurlaritzan izena emanda jarraitzen dutenaren aitortpena.

Interesaturen batek adierazten badu oinarri hauetan eskatzen diren dokumentuetako batzuk Hernaniko Udalaren esku daudela eta Udalak hori hala dela baldin badaki, interesatuak ez du dokumentazio hori aurkeztu beharrik izango.

Edonola ere, beharrezkoa den jarduerari buruzko dokumentazioaz gain, Udalak bestelako informazioa eskatu ahal izango die eskatzaileei, jarduera behar bezala baloratzeko.

Baldin eta eskatzaileak aurkeztutako dokumentazioa osatu gabe balego, edo oinarri hauetako baldintzak beteko ez balitu, 10 lan-eguneko epean forma-akatsak zuzentzeko edo dokumentazioa osatzeko eskatuko zaio. Gainera, ohartaraziko zaio hala egin ezean, eskaera bertan behera utzi duela ulertuko dela, eta, horrenbestez, eskaera besterik gabe artxibatu egingo dela, gaur egungo arauak agintzen duenez.

6. Epeak

Eskaerak aurkezteko hogeita hamar eguneko epea izango da, deialdi hau Gipuzkoako Aldizkari ofizialean argitaratzen denetik kontatzen hasita. Ezarritako epeak nahitaez beteko dira, eta ez da salbuespenik egingo.

7. Diruz lagunduko diren gastuak

Diru-laguntza gastu hauetarako izango dira:

- 7.1. Auzolan egitasmoak garatzeko behar diren baliabide materialak hornitzeko gastuak.
- 7.2. Auzolanean sortutako hondakinak kudeatzetik eratorritako gastuak, betiere hondakin bakoitza egoki kudeatu dela justifikatzen bada. Horretarako, dagokion agiri ofiziala aurkeztu beharko da.
- 7.3. Auzolan proposamenarekin erlazionatutako ikerketak egitearekin eragindako gastuak. Udalak izendatuko du Ikerketa hauen errealizazioa egiteko teknikaria.

Ez dira diruz lagunduko udal teknikariren baimenik gabe egiten diren kanpo kontratazioen gastuak, hauek ez baitira auzolana kontsideratzen. Era berean, lorezaintzako lanak ez dira diruz lagunduko.

8. Eskabideak ebaluatzeko irizpideak

Aurkeztutako eskabideak Herritarrentzat Zerbitzuak Batzordean tramitatuko ditu, bai aztertu eta baloratu ere.

Erabakiak hartzeko organo eskuduna Tokiko Gobernu Batzarra izango da, baina aurrez Herritarrentzako Zerbitzuak Batzordeak bere ebazpena emango du.

Hauek izango dira irizpideak:

- 8.1. Auzolanean parte hartzen duten auzokideen partaidetza; kontuan hartuz, sexua, adina, jatorri aniztasuna...
- 8.2. Auzoan talde antolatuak badaude, hauekin elkarlanean egitea auzolan proiektua.
- 8.3. Auzoan edota auzokideen artean izango duen eragina

Eskabide kopuruak zenbateko handiagoa ematea eskatzen badu aurrekontuko zenbatekoa eskatzaileen artean banatuko da eta jaso beharreko zenbateko gutxitua banatu egingo da.

9. Diru-laguntzaren zenbatekoa eta ordainketa

Diru-laguntzak ezingo du inola ere eskatzaileak egingo duen jardueraren gastua baino handiagoa izan (ez bere horretan, ez eta beste Administrazio Publiko edo bestelako erakunde publiko nahiz pribatuk emandako diru-laguntzak gehituta).

Eskatzaileak ebazpenaren berri jasoko du idatziz eta arrazoitua betiere. Jasotzekoak diren kasuetan honakoak zehaztuko dira: diru-laguntzaren kopurua, ordainketa modua, zuritzeko modua eta oinarri hauetan zehazten diren beste hainbat baldintza eta betebeharrak.

Aurkezten diren proposamen zuriketak Alkate dekretuz ebatziko dira.

Ordainketa:

Diru-laguntzaren %80ko kopurua diru-laguntza ematea onartzen denean ordainduko da. Gainontzeko %20a auzolan gastuen zuriak egin ondoren ordainduko da.

Gastuen zuriak egitasmoa bukatu eta hilabeteko epean (beranduenez 2022eko abenduaren 15ean) aurkeztu beharko da.

Zuriketa egiteko ondorengo dokumentazioa aurkeztu beharko da:

- Diruz lagundu den programa edo jardueraren memoria xehatua.
- Sarreraren eta gastuen balantze ekonomikoa.
- Sarreraren eta gastuen balantze ekonomikoa. Egindako gastuen agiria (faktura edo baliokideak); "gastu oharrak" ez dira onartuko. Fakturak gutxienez honako datu hauek jasotzeko beharko dituzte:
 1. Zerbitzua ematen duenaren identifikazioa (izena, helbidea, IFK/NAN).
 2. Zerbitzua hartzen duenaren identifikazioa (izena, helbidea, IFK/NAN).
 3. Zerbitzuaren gaiaren identifikazioa.
 4. Zerbitzua egin zeneko eguna.
 5. Guztizko kopurua eta BEZ.
- Dokumentazio grafikoa (argazkiak, kartelak).

10. Publizitatea

Diruz lagundutako jarduerari publizitatea egiten zaienean, jarduera bultzatzen duten auzo elkarteek Hernaniko Udaleko laguntza jasotzeko adierazi beharko du, irudi korporatiboaren arauen arabera, eta Hernaniko Udalak onartuta dituen hizkuntza irizpideak kontuan hartuta:

Herritar multzo euskaldunari zuzendutako idatzi, publizitate, iragarki ohar eta ginerakoak ahozkoak ziren idatzizkoak, euskaraz izango dira.

Beste hizkuntza erabili behar denean euskarazko mezua lehenetsiko da.

Udaleko Euskara Zerbitzuak beharrezko laguntza emango du, euskarazko testua zuzen eta egokia dela bermatzeko.

Horretaz gain, egitasmoarekin lotutako iragarki eta komunikazioetan ez da erabiliko ez hizkuntza ez irudi sexistarik ere.

11. Ebazpen-epea eta berri ematea

Ebazpenak eman eta jakinarazteko epea hilabetekoa izango da gehienez ere, eskabideak aurkezteko epea amaitu eta hurrengo egunetik kontatzen hasita. Kasu guztietan auzo-elkarteari ebazpenaren berri emango zaio, diru-laguntza jasotzeko ez.

Emandako diru-laguntzan berri Udaleko iragarki taulan emango da eta ebazpenaren laburpena Gipuzkoako ALDIZKARI OFIZIALEAN. Nahikoa izango da Udaleko iragarki taulan jartzea, emandako diru-laguntza bakoitza 3.000 euro baino gutxiagokoa denean.



12. Ez-betetzea

Oinarri hauetan ezarritako betebeharren bat betetzen ez bada diru-laguntza berraztertu egingo da eta, hala badagokio, baliogabetu edo emandako diru kopurua itzuli egin beharko da, diru-laguntzak emateko udal araudiaren 17. artikulua aurreikusitako eran.

Diru-laguntzak itzultzeko prozesura ofizioz hasiko da, laguntza edo diru-laguntza eman zuen organoaren eskariz, eta hala badagokio, emandako diru-laguntza baliogabetzea, murriztea edo itzultzea erabaki ahal izango da, behar bezala arrazoituta. Prozeduraren izapideetan interesatuaren entzute eskubidea bermatuko da.

Oinarri hauek Gipuzkoako Aldizkari Ofizialean argitaratuko dira.

13. Araubidea

Deialdi honetan xedatu gabeko guztia Hernaniko Udalaren Diru-laguntzak Emateko Araudiaren arabera arautuko da, eta Diru-laguntzan inguruko 38/2003 Lege Orokorrean xedatutakoaren arabera. Araudia urtero berrikusiko da.

DOKUMENTAZIOA

Honakoa aurkeztu beharko da-(X jar ezazu)

- Eskabide orria bete eta sinatua.
- Identifikazio Fiskaleko Kodearen fotokopia.
- Erakunde eskatzailearen estatutuak, bazkide kopurua, kideak, kuotak...
- Auzolanean egingo den egitasmoaren norakoak eta aurrekontua (1. eranskina).
- Zerga-bidezko betebeharrak, Gizarte Segurantzarekikoak eta BEZ-araubidea egunean edukitzearen aitortpena. (2. eranskina)